

# *EPENDA ABRAHAM*

 Embo laGenesis natango, ekapiteli eti22, okuhovela novelise oni15, notwa teeela paife oku popya okafimbo kashona noku tameka elongelokalunga. Genesis 22, okuhovela novelise oni15.

*Ndele omwengeli wOMWENE okwa ifana lutivali keulu kuAbraham,*

*Ndele ta ti, Ame ohandi lianene mwaame mwene, OMWENE ta ti ove eshi we shi ninga, noino anyena nge omumwoye, ewifa loye alike:*

*Nokutya ame ohandi ke ku nangeka noupuna, noludalo loye ohandii lihapupalifa unene ngaashi eenyofi dokeulu, nongaashi eheke pomunghulo wefuta; noludalo loye tali ka nangala oivelo yomutondi walo;*

*Noiwana aishe kombada yedu tai ka nangekwa noupuna moludalo loye; osheshi ove wa uda ondaka yange.*

<sup>2</sup> Eudaneko ngahelipi, molwa eduliko! Eduliko olo Kalunga a hala. Osha tongelwe, “Eduliko oli dulife eyambo.” Oku dulika kOmwene oku dulife eyambo olo to dulu oku ninga.

<sup>3</sup> Otwa taalela paife eleshelo liwa, konguloshi, *Ependa Abraham*, olo la ifanwa “xe yEitavelo,” molwaashi kutya Kalunga okwe mu ningila eudaneko a fyuulule edu, nOludalo laye. Ndele omuAbraham fye, twa fya muKristus, twa ninga Oludalo laAbraham novafyuululi pamwe naYe paudaneko.

<sup>4</sup> Paife, Abraham okwa li ashike omulumenhu wanafangwa, ka li sha shelikalekelwa. Kalunga ine mu ifana, ngaashi tu na omushangwa washa, nafiyo a li nomido omilongoheyali nanhano. Omwalikadi waye, ou a li omumwaina etata, e nomido omilongohamano nanhano pefimbo, tashi dulika va kala pamwe okudja eshi va li ovanyasha lela. Ndele okwa li ongadji, ndele kave na ounona. Kalunga okwa ifana etopoko filu, oku liyoolola ko kounyuni aushe, nokovanhu vaye aveshe, novakwapata aveshe. Opa li oshinima shelikalekelwa kuye a ninge.

<sup>5</sup> Ndele ngeenge Kalunga e ku teeela u ninge oshinima shelikalekelwa, Ye ota pula etopoko filu kelimbilo. Ou noku uya meduliko liyadi, u dulike kwaasho Ye ta ti. Kalunga okwe shi pula. Ito dulu oku shi ninga omukalo umwe po. Ndele, paife, Ye alushe okwa tula po oshihopaenenwa, nosha li oshihopaenenwa Shaye, shetopoko filu kepata laye alishe, omaludi aye aeshe, nosho tuu, a ende onghalamwenyo yelikalekelwa kuKalunga.

<sup>6</sup> Omido dapita po, inapa ningwa sha, ashike natango Abraham okwa dama. Ina teka omukumo. “Ina ongaonga nande

neudaneko laKalunga mokuhaitavela, ashike okwa pama, ta hambelele Kalunga.”

<sup>7</sup> Omudo nomudo, ngaashi tadi i, kape nelimbililo ovashemununi vahapu ove uya po noku tya, “Abraham, xe yoiwana, ounona vangapi u na paife?” Inashi mu ongaongifa. Kape nokaana, naSara okwa pitilla efimbo longhalamwenyo, yoku dala ounona, shaashi, okwa ka nale, ashike natango Abraham okwa itavela Kalunga shelifa. Ye okwa ningi omalongekido okahanana, molwaashi oku shi shii nokwa li a yelelwa nawa kutya Kalunga ita dulu oku ninga eudaneko olo Ye ita dulu oku wanifa po.

<sup>8</sup> Oludalo Laye oli noku diladila oshinima shelifa. Shihe na sha nanhumbi tashi monika shongaho, nhumbi tashi monika shi he li pamadiladilo opaushitwe, natango Kalunga ita ningi eudaneko olo Ye ina kula sha wana oku takamifa. Otwa itavela oshinima shelifa nena. Keshe Oludalo lashili laAbraham ola itavela oshinima shelifa. Kashi nombudi oshike tu li mu sho, eshiivo li fike peni twa ongela, oinima ingapi ya ningwa, nhumbi shi he li paushitwe komadiladilo opaushitwe, nhumbi shi li oulai, shapo, komadiladilo opaushitwe, itashi ningi eyooloko lasha. Nge Kalunga osho a tonga, osho ngaho. Ndele Oludalo laAbraham ola kanghama kOMWENE OSHO TA TI. Oshe shi mana.

<sup>9</sup> Otwa mona mo, pomido omilongombali nanhano konima, kape na ounona. Ndele natango Kalunga okwa li omudiinini oku diinina eudaneko Laye kuAbraham, osheshi Abraham okwa itavela Kalunga. Okamatyona oke uya poshiningwanima, Isak munini.

<sup>10</sup> Hano konima Isak munini e uya poshiningwanima, hano otwa mona mo kutya Kalunga okwe mu pa eyeleko lopavali. Okwa ti, “Okaana aka...” Konima ka kala hanga omido efele nomulonganhanano, ile omilongombali, Abraham a li. Okwa ti, “Onda hala u kufe, omona woye aeke, noku mu twala komhunda oyo Handi ku ulikile, noku mu yandja, komhunda ei, molwa eyambo.” Moitya imwe, a hanauna po oundobwedi keshe kutya oku na eudaneko olo tali wanifwa. Otashi kufa po oinima aishe yopaushitwe.

<sup>11</sup> Ndele Abraham ta ti, “Onde mu tambula onga umwe a dja koufi. Ndele onda yelelwa pauyadi kutya Ye ota dulu oku mu nyumuna koufi.”

<sup>12</sup> Ovo ovanhu paife Oludalo laAbraham, shaashi Ye okwe tu nyumuna koufi. Otwa li twa fila moulunde nomomatauluko. Ndele Ye Ou a li ta dulu oku lundulula omadiladilo ange, oku lundulula omalipulo ange, oku lundulula oushitwe wange, oku lundulula nge apeshe, Ye ota dulu oku ninga ngaashi Ye a hala. Keshe osho Ye ta ti, onda itavela osho Oshili, nOludalo keshe laAbraham ola itavela oshinima shelifa.

<sup>13</sup> Abraham, okwa dulika kuKalunga, a kufa okamatyona. Ndele ongula ei, a lombwela ovapiya, “Nye teeleleni apa nomamwili. Ndele omona naame ohatu i kwinya tu ke linyongamene, ndele ye naame hatu aluka.” Akutu, ote ke shi ninga ngahelipi? Eshi a ya koxulo yomhunda, a dipae omona waye mwene, natango ota ti, “Okaana, kamenhu naame ohatu aluka.” Oku shi shii kutya shimwe oshi noku ningwa po. Ndele ke shii nhumbi Kalunga te ke shi ninga; halo epulo laye. Oku shii kutya Kalunga okwe shi udaneka.

<sup>14</sup> Osho ashike tu na nasho oku shiiva, Kalunga okwe shi udaneka! Ota shi ka kala ngahelipi? Ita ndi dulu oku ku lombwela. Ashike Kalunga osho a ti! Ye ota tumu Jesus Kristus, oshikando shitivali, Ye ote uya molupe lopambelela. Ye ota valeke Vaye Mwene. Otapa kala omido eyovi limwe, omileniuma tai pangele kedu oku, pamwe naYe, pamwe novakulilwa. Osho Ye a udaneka, ndele ohatu kongo otundi oyo i fike.

<sup>15</sup> Ye okwa udaneka oku velula ovanaudu, oku nyumuna ovafi, oku ta mo eendemoni. Ye okwa udaneka oku shi ninga. Ye okwe lifa onghela, nonenanofiyaoalushe. Ngahelipi? Nghi shi shii. Ye okwa udaneka oku shi ninga! Otwe shi itavela; oshe shi mana. Ngeenge omunhu a itavela Kalunga, okwa itavela ashishe Ye ta ti.

<sup>16</sup> Ndele oo omukalo Abraham a itavela Kalunga. Paife okwa pulwa a hanaune po keshe oundobwedi kutya eudaneko Laye otali takamifwa, ashike okwa yelelwa kutya Kalunga ota dulu oku shi ninga.

<sup>17</sup> Paife, Ye ina yandja ashike eudaneko eli linene, Ye okwe li yandja kOludalo laye, yo. Ndele molwaashi Abraham okwa li omudiinini, nokwa diinina o—Ondjovo yaKalunga oyo Kalunga e mu udanekela, noku shii kutya Kalunga ota dulu oku nyumuna okaana aka. Ndele ina xupifa okaana kaye mwene; ashike (Kalunga) okwa li olupe laKalunga ta yandje Omona Waye, osho naana; ngaashi ye a twala oikuni pombada yomhunda, nosho tuu; ngaashi Kristus komesho a humbata eyambo Laye Mwene, koshikulundudu, oko Ye a valelwa.

<sup>18</sup> Otwa dimbulula kutya mwaashi, moku shi ninga, osha wapalela Kalunga opo a mone kutya Abraham oku Mu hole kombada yakesheshimwe kedu, nokuli omona waye aeke. Ye oku Mu hole pombada yaashi umwe ta dulu oku tya, umwe ta dulu oku ninga, natango oku hole Kalunga sha wana oku itavela Ondjovo Yaye.

<sup>19</sup> Oludalo alishe laAbraham ola itavela Kalunga ngaho. Ova itavela Kalunga. Ndele otu shi shii kutya osha wapalela Kalunga nawu kutya apa osheshi Ye a ti, “Oludalo loye otali ka nangala oiveloyomutondi walo. Oludalo Loye otali ka nangala oiveloyomutondi walo.” Dimbuluka, osho OMWENE OSHO TA TI. Oludalo laAbraham ole shi itavela. Nge ove Oludalo

lovene laAbraham, eitavelo olo Abraham e na muKalunga, oli li mwoove. Ndele owa itavela, kutya eshi Kalunga a tonga, Kalunga oha diinine eudaneko Laye.

<sup>20</sup> Ndele Ye okwe shi tonga, paife dimbuluka, Ye okwa ninga ashike eudaneko eli kuAbraham konima Ye e mu pa eyeleko. Oludalo laAbraham oli noku yelekwa tete, a tale nge ova itavela shili Ondjovo. Dimbuluka, omukalo auke ta dulu oku diinina eudaneko laKalunga, molwaashi okwa itavela eudaneko laKalunga, nokwa yelekwa nge okwe I itavela ile ahawé.

<sup>21</sup> Otwa eta keyeleko olo. Oludalo laAbraham, nena, ola eta keyeleko olo. Ohatu kufa Ondjovo yaKalunga, ile ohatu kufa eshi omunhu ta ti kombinga yaYo? Ohatu kufa osho ehangano lonhumba la ninga po onga elongoitavelo, noku shi tambula, ile oha tu kufa eshi Kalunga a ti? Nge Ondjovo yaKalunga oyoshili, otwa itavela Ondjovo yaKalunga, shihe na naashi shimwe shilili shi li. Otwa efa ondjovo yomunhu keshe i kale oipupulu, noyaKalunga i li Oshili. Oludalo lashili laAbraham! Ashike manga ino ninga Oludalo lashili, ou noku pitila meyeleko, ngaashi Abraham a ninga, yemwene. Ye ina udanekela Abraham aeke, ashike Oludalo laye otali ka nangala oiveloo yovatondi. Akutu, kutu!

<sup>22</sup> Lipula ashike, ependa ole shi itavelifwa nawa, meyeleko laye leudaneko lOndjovo yaKalunga, la li mondjila. Shihe na sha naashi oupyakadi wa li, natango okwa itavela Ondjovo ya li mondjila. Abraham, ependa linene, inali tengauka meitavelo, eshi a eta keyeleko olo. Okwa itavela kutya Kalunga ota dulu oku mu nyumuna koufi. Okwe shi itavela, molwaashi Kalunga okwa ninga eudaneko. Ndele eshi Kalunga a ninga eudaneko kutya ota kala “xe yoiwana,” nokwa itavela kutya osho sha li. Ke shii nhumbi tashi kala. Eshi okahanana ke uya, konima e lineekela, omido omilongombali nanhano, hano okwa pulwa a hanaune po okahanana, natango oku shi shii kutya eudaneko laKalunga oloshili, ndele okwa yandja omona waye.

<sup>23</sup> Oludalo Laye, oshinima shelifa! Eudaneko laKalunga oshipatifo, kwaava ve li Oludalo laAbraham. Eudaneko oshipatifo, oundobwedi wa shangwa. Ndele eshi twa itavela Ondjovo keshe ya udanekwa, hano oshipatifo otwe shi pewa, oku kolekifa eudaneko. Uwete, nge fye—nge fye, oku kala Oludalo laAbraham, ohatu pitile keyeleko ngee ohatu ka itavela Ombibeli, ile ahawé. Ombibeli oyo Ondjovo yaKalunga, molwaashi Oyo Kalunga. Opo nee konima wa pitila meyeleko, ou itavele.

<sup>24</sup> Ngeenge vamwe vomuvo tava ti, “Omafiku oikumifalonga okwa xula.” Nge owe shi tambula, oshi li omhinge nOndjovo.

<sup>25</sup> Nge oto ti, “Ino pewa Omhepo Iyapuki, nena. Kape noshinima shatya ngaho. Ovayapostoli omulonganavalí aveke ve I pewa.”

<sup>26</sup> Ondjovo oya ti, Petrus okwe I udifa mEfiku laPentekoste, okwa ti, "Lidilululeni, keshe umwe womunye, mu shashelwe mEdina laJesus Kristus mu diminwe po omatimba, ndele nye tamu ka pewa oshiyandjwa shOmhepo Iyapuki. Osheshi eudaneko okunye, novana veni, naaveshe venya ve li kokule, ovo aveshe Omwene Kalunga ketu te ke va ifana."

<sup>27</sup> Osho naana Tai ti. Osho, paife nge owe llongekida oku kufa eyeleko, leyeleko loudiyo laKalunga, noku shikula elombwelo olo, ohandi ku lombwele, oto mono mo kutya Kalunga oha diinine Ondjovo Yaye, nge to I itavele. Oshi li mondjila. Ashike omo u noku pitila, molwaashi oyo oshipatifo; ngeenge to I tambula, hano oto pewa eudaneko. Molwaashi, Olo elombwelo laKalunga, omukalo tu noku shi ninga, ndele oo omukalo tu noku I shikula, eshi Ye a ti. Paife ha kuvamwe, ashike "keshe tuu," keshe tuu ou ta itavele, keshe tuu ou te lidilulula, keshe tuu ou ta itavele. Okomapupi aeshe, kovanhu aveshe, keshe tuu ou a hala oku I itavela. Ndele eitavelo mOndjovo yaKalunga otali ku eta keudaneko eli. Hano, ndele hano ashike, oto mono eenghono oku nangala oshipatifo sheudaneko.

<sup>28</sup> Neudaneko olo twa pewa, oshipatifo, eshasho lOmhepo Iyapuki. Oshi li mondjila. Osheshi oKalunga molupe lOmhepo, ove u li Ondjovo Yaye mwoove, hano Ye okwe uya mo. Nge owa tambula Ondjovo mwoove, Omhepo Iyapuki oyo aike oshinima tashi dulu oku I ninga i kale nomwenyo, opo nee ou na eudaneko lokunangala oshivelo shomutondi keshe ou ta kendabala oku ku ponokela. Oshi li mondjila. Kalunga okwe shi udaneka, nosho shi li.

<sup>29</sup> Paife, dimbuluka, oto dulu ashike oku shi ninga, ndele hano ashike, okonima wa yelekwa nOndjovo.

<sup>30</sup> Abraham okwa yelekwa nOndjovo. "Oto itavele tuu, Abraham, kutya oto ka mona omona?"

"Eheno."

<sup>31</sup> Omona okwe uya. "Paife mu hanauna po. Natango owe shi itavela, Abraham?"

<sup>32</sup> "Onde shi itavela, natango, osheshi Oto dulu oku mu nyumuna koufi."

<sup>33</sup> Nokonima yasho, Ye okwa ti, "Paife, Oludalo loye otali ka nangala oshivelo shomutondi walo." Amen! Konima eyeleko le uya!

<sup>34</sup> Natu taleni vamwe voludalo laAbraham, moludalo lopaushitwe. Osho, tu li nena Oludalo lopamhepo. Ashike natu taleni, noludalo lopaushitwe, lavamwe vomuovo ava va itavela eudaneko liyadi laKalunga, noinava di-...[Okanhele kehe na sha mokateipa—Sd.]

<sup>35</sup> Onda ti, "Nande ongaho, oshike okakadona Okakriste ka halela oku ulika ofulukweva yako yokoshi? Nghi shi udite ko."

<sup>36</sup> Owa dalululwa, kuKalunga, ou na ouwa wOmhepo Iyapuki oku ulika kutya osho u li, ou li. Ou na eenghono odo eefulukweva deetendu di he na. Oshi li mondjila. Omukainhu washili waKalunga, ou wa fikama neenghono, oto dulu oku yolwa, noku ifanwa oshikulu shonale; ashike ou na shimwe osho itava dulu okukuma, noku shi kanifa ndele kave shi na vali. Oshi li mondjila. Ou na eenghono. Kalunga osho ta kongo, eenghono. Uwete?

<sup>37</sup> Ashike oshinima shotete, nge ope nepulo momadiladilo oye, ino shi ninga nande. Ino uya momukweyo weilikaneno nge omu nepulo momadiladilo oye. Ino uya kakelle we shi itavela lela, padiviliko, kape na omakufikufi momadiladilo oye, nande, ashike oto ka veluka, hano oto di ko komesho oku omunhu a veluka. Oshi li mondjila, ngeenge mu he nepulo momadiladilo oye, nande. Ou noku itavela Kalunga, ha omuliningiitaveli. Itavela lela!

<sup>38</sup> Ndele Oludalo laAbraham ole shi itavela molwaashi Ondjovo osho ya ti, nolo etomhelo twe shi itavela. Ha molwaashi umwe a shemununa, molwaashi umwe elili osho a ti. Molwaashi Kalunga osho a ti, otashi shi ningi Oshili. Eshi Kalunga e shi tonga, osha mana omapulo aeshe. Oye ondjovo yaxuuninwa. Oye omhepo yaxuuninwa. Ngeenge Kalunga ta ti sha, oshe shi mana. Kape na sha shilili tashi I popile omhinge. “Ondjovo keshe yomunhu nai kale oipupulu, ndele Dange odOshili.”

<sup>39</sup> Paife ngaashi hatu tale omaludalo amwe aa, natu lipuleni. Ohatu lipulaounona Ouheberi, ndi na apa, handi shi diladila, ounona Ouheberi, konima va yelekwa ve linyongamene oshihongwafano. Paife, ove dimbuluka, ohamba oya ti, “Keshe ou ite linyongamene oshihongwafano eshi, ota ekelwa mediko lomundilo.” Paife, ounona ava ova itavela kutya Ondjovo yaKalunga oi li mondjila, kutya kave noku linyongamena oludi losihongwafano, ashike eshi ve uya popilikishi ova yelekwa nge otava dulu.

<sup>40</sup> Eshi, aveshe vomovana mwinya va tambula noku ya kelinyongameno, ova ya lela momukalo ohamba ya tonga. Ova ya nelipulo lounwa wefiku, kutya ove noku shi ninga.

<sup>41</sup> Naashi va yelekwa, nge otave linyongamene oihongwafano noku tauluka Ondjovo yaKalunga, ova kala ovanashili nOndjovo. Shihe na neenghalo, ova kala ovanashili nOndjovo. Ndele eshi ve va ekela mediko lomundilo, eudaneko laKalunga ola wanifwa. Ova nangala oivelo yomutondi wavo. Nopa li Omulumenhu omutine a fikama mo, noshapi oyo tai patulula oupyu momundilo, ndele inau va ninga sha ashike oku va mangulula. Amen.

<sup>42</sup> Ngeenge omulumenhu ile omukainhu e lilongekida oku kufa eyeleko, eyeleko loudiyo!

<sup>43</sup> Ou wete, ove noku ya momundilo. Opo nee eshi ve shi ninga, ova li momundilo, noshinima ashike sha kufa ombinga, eyeleko lomundilo eli ola patululwa ashike, la dula ko o—omalyenge komake avo.

<sup>44</sup> Oikando ihapu, Kalunga ohe tu pitike, ngeenge atushe twa mangwa nounyuni, twa mangwa, Ye oha pitike eyeleko lomundilo li tu hange, opo tu na okuninga etokolo. Ndele ngeenge hatu shi ningi, oshinima ashike eyeleko tali dulu oku ninga, ngeenge Oludalo lashili laAbraham la fikama po—pomashakeneno ondjila yetokolo, noku ninga etokolo lalo li longele Kalunga, otali tokola ko ashike omalyenge noku tu mangulula. Satana ota dulu e ku pe omukifi. Ota dulu e ku pe oshinima shimwe, shikwao. Ou shi shii ngahelipi kutya kashi fi Kalunga te ku tula momashakeneno ondjila, u tale kutya e—e—etokolo lilipi to ningi?

<sup>45</sup> Ova nangala oshivelo shomundilo. Omundilo inau va xwika. Kapa li nokuli edimba lomundilo kuvo, molwaashi ove shi shii kutya ova li Oludalo laAbraham, nova fikamena po Kalunga nOndjovo Yaye. Ova nangala o—oivelo yomutondi, nomundilo inau dula oku va xwika, molwaashi ova nangala oivelو.

<sup>46</sup> Konima, opa li omulumenhu, omuxunganeki mwinya, wedina Daniel. Ota dulu...e na eyeleko nge ota dulu oku longela Kalunga umwe woshili, ile ahawе. Ndele eshi she uya pefimbo opo, kutya nge ota longele Kalunga umwe woshili, ile te linyongamene kalunga komupaani, okwa anya oku shi ninga; noku ekelo pedu omalyenge, noku ilikana kuKalunga kaye, keshe efiku. Ndele okwe shi mangelwa, kehandukilo leemhando defyo, nokwa ekelwa mekololo leenghoshi. Onduba yeenghoshi oye mu kumbila. Okwa ninga ngahelipi? Okwa nangala oshivelo shomutondi waye. Eenghoshi inadi mu lya. Kalunga okwa tuma Oluudi lOmundilo, Omwengeli ou a fikama pokati kaye nonghoshi.

<sup>47</sup> Okwa nangala oshivelo shomutondi, molwaashi okwa yelekwa a tale nge ote linyongamene Kalunga umwe woshili, ile e na onduba yookalunga ovapaani oyo e linyongamena. Onghee okwa fikama eyeleko, ndele ta nangala oshivelo shomutondi. Eenghoshi inadi dula nokuli oku mu kuma, shaashi Kalunga okwa li pamwe naye. Eudaneko laKalunga ola kala lashili, osheshi okwa li Oludalo lashili laAbraham.

<sup>48</sup> Moses, akutu, mukwao munene. Okwa yelekwa, yo, a mone eudaneko olo Kalunga e mu pa. “Ohandi kala pamwe naave ngeenge wa i ko.” Ndele eshi a fikama komesho yovahopaeneni voshalinghenda yaye, Jannes naJambres ova kendabala oku fikama noku hopaenena oshinima tuu osho Moses a lombwelwa a ninge. Ndele Kalunga okwe mu ifana, noku shi shii kutya okwa li umwe a tumwa oku shi ninga, nokwa fikama noku longa oshikumifalonga ngaashi Kalunga e mu lombwela e shi

ninge. Ndele opa fikama ovahopaeneni, va ninge oshinima shelifa, ashike inashi piyaaneka Moses. Okwa fikama omunashili kOndjovo yaKalunga, nokwa nangala oivelo, amen, yomutondi, molwaashi okwa fikama omunashili keudaneko laKalunga, kutya nee olyelye ta kendabala oku shi hopaenena.

<sup>49</sup> Oshilongwa ngahelipi kukeshe Omukriste! Ngeenge to lengalenga noku mona omunaihelele, oto dimbuluka ashike kutya ota kendabala oku hopaenena oshinyolwa shashili. Ashike, otashi ti ashike ope na umwe ou washili. Fikama omunashili kOndjovo yaKalunga! Kutya nee oshike yashi ya ile tashi i, diinina eudaneko Laye. Eheno, Daniel okwa kala omunashili kOndjovo yaKalunga.

<sup>50</sup> Kutya nee vangapi va kendabala oku mu hopaenena, nakesheshimwe shilili, okwa kala omunashili. Ndele okwe uya molwa elalakano, a kufe mo Israel muEgipiti, noku va tula medu leudaneko. Naashi sha ninga efimbo lavo va ye medu leudaneko, oku dja muEgipiti, opa fikama Efuta Lafya mondjila. Ndele okwa nangala oivelo yomeva, noivelo oya yeuluka. Ndele o—omeva okwe lishuna, naMoses okwa twala Israel mombuwa, komhunda oko Kalunga e mu tuma e va ete. Amen. Okwa nangala oivelo yomutondi.

<sup>51</sup> Xe yaye, Abraham, oku na eudaneko olo, kutya Oludalo laye lashili otali ka nangala oshivelo shomutondi. Noivelo yomeva oya patwa, ndele ina dula oku mana, nosha li ondjila yoshilonga. Okwa li a wana oku eta ounona ovo komhunda oko. Kalunga okwe mu lombwela e shi ninge. Ndele opa fikama oshivelo mondjila, nokwa nangala oshivelo shomutondi.

<sup>52</sup> Josua, konima kashona, eshi ve uya kuKades-barnea, osho sha li oshipundi shepangulo shounyuni pefimbo opo, oko Israel a shakeneka epangulo laye. Otwa mona Josua naKaleb, navakwao omulonganavavali...ile—ile vakwao omulongo. Umwe okudja mepata keshe a tumwa a lave edu olo ve lilongekida oku pewa.

<sup>53</sup> Ndele eshi va mona ovatongolume ovo vanene va fikama, omulongo vomuvo ova uda nai unene, ova ti, “Itatu dulu oku li kufa ko. Oshinene unene. Omolwashike, tala komhinge tu na.” Ashike eshi va aluka va ete onghundana, ova eta onghundana ii.

<sup>54</sup> Omolwashike va etela onghundana ii, nge Kalunga okwe va lombwela, “Ohandi mu pe edu olo; oloye”? Ye okwe va lombwela muEgipiti. “Onde mu pa edu eli. Edu liwa. Otali kunguluka omashini nomaadi eenyiki.”

<sup>55</sup> Ashike eshi va mona ounamhinge munene, omulongo vomuvo ova aluka tava ti, “Itatu shi dulu.”

<sup>56</sup> Osha li Josua, okwa ngungumaneka ovanhu, ndele ta ti, “Ohatu dulu oku li nangala. Ohatu dulu!” Molwaashi shike? Ye okwa li ta tale keudaneko. Ye okwa li Oludalo lashili laAbraham. Shihe na sha naashi ounamhinge wa li, “Ohatu nangala oshivelo,

molwaashi Kalunga okwa udaneka edu.” Ndele okwa nangala oshivel.

<sup>57</sup> Komesho, eshi a eta ovana vaIsrael komulonga. Pa fikama, momwedi waApilili, omulonga munene, wa tumbalala. Jordan okwa dja keemhunda, nokwa li a andjakana momaluhaela. Tashi monika sha fa efimbo lii, momudo, kutya omo ta kala. Ashike, tuu, ye okwa li Oludalo laAbraham. Oku shi shii kutya oku na eudaneko, nokwa li momulandu woshilonga. Kalunga okwe mu pa emoniko, nhumbi te shi ningi, ndele ta nangala oivelo yomulonga. Eshi oivelo ye liyeulula, omeva okwe lishuna keemhunda. Ndele Josua naIsrael tava nangala oivelo yomutondi, noku taulukila medu leudaneko, shaashi Kalunga okwe va lombwela ve shi ninge. Oludalo lashili laAbraham!

<sup>58</sup> Ovamwatate novamwameme, eshi a ya ko, Jeriko okwa li a fa ekuma, e li pombada nawa opo tava dulu oku lotokifa omatemba atatu koxulo. Ongahelipi OvaIsrael ava tave shi ningi noku indila, va toola po omaongamukonda, nakesheshimwe, needibo nomamanya, otava ka ya mo ngahelipi? Ashike okwa li natango Oludalo laAbraham. Kalunga okwe mu pa emoniko, e mu lombwela nhumbi te shi ningi, ta ti, “Shika enghuma.” Amen. Osho ngaho. “Ingida, nyanyela kekuma, oivelo otai wile komesho yoye.” Amen! Ye okwa li Oludalo lopauhamba laAbraham. Ye okwa li omwiitaveli washili waKalunga. “Oivelo otai wile poshi komesho yoye. Ingida ashike, noku shika enghuma. Osho ashike u noku ninga.” Ndele oshike sha ningwa po? Oivelo oya wila poshi, ndele Josua ta kwata ko oshiland.

<sup>59</sup> Komesho kashona, otwa mona mo kutya omutondi okwa li ta topola noku twikila, konima yasho, nokuli Ye okwa kangheka etango moshikoti shalo. Ngaashi nda popya ongula imwe, *mElimbikilo*, Ye okwa kangheka etango nafiyo a nangala oivelo yomutondi waye. Amen. Oku shi shii nge omutondi ou okwe uya vali pamwe, otave lihanifwa, netango otali ningine, nOvaamori, nOvaamaleki, nosho tuu, tave lihane. Nge ove uya vali pamwe, noku uya pamwe, hano ye ota kala nefimbo lidjuu oku ve lihanifa vali. Ndele opa li oshinima shimwe ashike sha dama, osha li efimbo. Ndele Ye okwa kangheka efimbo. Amen! Amen! Ope noshinima shimwe she mu kelela keudaneko, osha li etango, oushitwe wovene wa kambakana, ndele Ye okwa kangheka oushitwe. Omolwashike? Ye okwa li Oludalo laAbraham. Ye okwa itavela eudaneko laKalunga. Ye okwe u kangheka, nokunangala oivelo. Eheno, omufimanekwa.

<sup>60</sup> Ovalumenhu vanene ava, aveshe vomuvo ovalumenhu vanene. Ashike ou weteko eshi vo, keshe umwe womuvo, eshi ve uya koshivelo shefyo, aveshe ova fya. Keshe umwe womuvo oku noku fya. Shaashi ova li ovalumenhu vanene, “Ova kangheka o—okanya keenghoshi, noku kukuma omundilo, neememo deongamukonda,” nosho tuu, ngaashi twa lombwelwa mOvaheberi 11. Ndele ova nangala oivelo yomutondi, aishe

ashike omutondi umwe, nokwa li efyo. Efyo ola pona po keshe umwe womuvo.

<sup>61</sup> Hano efiku limwe, ope uya Oludalo Lopauhamba laAbraham, Jesus Kristus, Omona waKalunga; Oludalo laAbraham, paitavelo. Ha okupitila muIsak, oludalo lopaushitwe; ova longa oshitopolwa shavo. Ashike ope uya Umwe Ou ina dalwa paushitwe. Ope uya Umwe ou ine uya pahalo lopamilele. Ope uya Umwe padalo lokakadona. Omona waKalunga, Oludalo laAbraham, ou Omulumenhu munene ngahelipi! Ovanaushitwe vakwao ova dalwa omadaloo paushitwe. Omulumenhu ou okwa dalwa edalo lokakadona. Oshike Ye a ninga eshi Ye e uya kedu? Ye okwa finda keshe omutondi ou Satana e na. Ye okwa finda kesheshimwe.

<sup>62</sup> Oshike Ye a ninga? Ye okwa kala omutumba noku finda ouvela. Kape na ouvela we Mu dingilila; keshe apa ouvela wa li, Ye okwe u finda. Oshike Ye a ninga konima Ye e u finda? Ye okwe tu pa eeshapi, amen, ta ti, “Keshe osho to mange kombada yedu, Ohandi shi mange mEulu.” Akutu! Amen! Olo Oludalo Lopauhamba laAbraham, eudaneko Laye. Omhepo Iyapuki mufye paife, neeshapi, di kwetele ouvela. Ye okwa finda ouvela. Ouvela itau dulu oku fikama mOukalipo Waye. Ndele Ye okwa ti kutya Ye okwe tu pa eeshapi tu ninge oshinima shelifa, tu finde ouvela. “Keshe eshi to mange kedu, Ohandi shi mange mEulu.”

<sup>63</sup> Osho yo, omayeleko, Ye okwa yelekwa momukalo keshe ngaashi fye twa yelekwa. Oshike Ye a ninga? Ye okwe shi finda. Ndele Ye okwe tu lombwela shike? “Hanyeneni omunawii, ndele ye te mu i onhapo.” Ye okwa finda ouvela molwetu. Ye okwa finda emayeleko molwetu, a teya po oiveloo; anyeka omuyeleki oshapi, noku i pa omwiitaveli, Oludalo laAbraham, ndele ta ti, “Nge ote ku yeleke, mu hanyena, ndele te ku i onhapo.” Akutu, kutu! Mu hanyena!

<sup>64</sup> Ye okwa finda aishe efyo noheli. Ye okwa nyumuka mefiku etitatu, ta ti, “Onda findana. Ndele molwaashi Ondi nomwenyo, nanye yo otamu kala nomwenyo.” Akutu, eudaneko ngahelipi! Ngaho okOludalo laAbraham. Ye okwa finda ombila, a nyumuka mefiku etitatu, molwa eyukipalifo letu. Eshi Ye a nyumuka, Ye okwa li eyukipalifo letu. Oshe tu ningila shike? Ye okwa finda ouvela. Ye okwa finda efyo. Ye okwa finda oheli. Ye okwa finda ombila. Ye okwa finda emayeleko. Akutu!

<sup>65</sup> “Paife otu dulife ovafindani muYe ou e tu hole, noku yandjela omwenyo Waye,” e li Oludalo Lopauhamba laAbraham. NOmhepo yaKalunga yelifa mufye, oyo ya li muYe, otu dulife ovafindani. Keshe oshivelotwe shi findilwa. Oshinima ashike tu noku ninga oku shi nangala. Osha findwa nale. Ouvela owa findwa. Efyo ola findwa. Oheli oya findwa. Ombila oya findwa. Kesheshimwe osha findwa, notu na eeshapi, paflonghenda

Laye. Owa tila oku di twa mekumba, nokutya, "Onde uya mEdina laJesus Kristus"? "Indila Tate kesheshimwe mEdina Lange." Ondi Mu hole.

<sup>66</sup> Konima yomido omayovi avali da pita, omido omayovi avali, ndele natango apa Ye oku li mokati ketu, Omufindani omunaenghono ou a taula etukulifo, ou a kufa ouvela keshe, omukifi keshe, kesheshimwe kuYemwene, noku litwika ounpone wetu komushiyakano, nouvelle wetu nomikifi detu, omufindani kombada yado, nokunyumuka molweyukipalifo letu, noku fikama e nomwenyo konima yomido omayovi avali, e liholole Yemwene onga Jesus Kristus omunamwenyo, mokati kOludalo lopauhamba laAbraham eli lili omufyuululi woinima aishe. Akutu, kutu! Ovo konima, va pitila mekonakono, eudaneko lOndjovo! Nge oto itavele Ondjovo, hano ove yo Oludalo laAbraham. Osho to uya kuYo.

<sup>67</sup> Nge ito kufa ekonakono lOndjovo oyo, hano nge owe I limbililwa, to I fekele kanini, oshidjuu u I itavele, ope na shimwe ile shikwao, ito I itavele, hano ino uya momukweyo weilikaneno. Itandi lifundjaleke nokuli koaltari, nafiyi wa mona efilonghenda la wana oku shiiva kutya Ondjovo yaKalunga oyoshili.

<sup>68</sup> Ndele ngeenge wa tauluka euviko olo lokuhaitavela, hano ou na eeshapi momake oye, defyo, oheli, nombila, molwaashi ou na Omufindani Ou e ku findanena. Hano ou na Ovaheberi 13:8, ava tave tu lombwele, "Jesus Kristus okwe lifa onghela, nonena, nofiyoalushe." Ohatu shi ningi ngahelipi?

<sup>69</sup> Ovanhu nena otava ti, "Akutu, iya, ohandi ku lombwele, Oku li mo—momukalo wonhumba, Oku li."

"Ye okwe lifa," Ombibeli ya ti.

"Akutu, iya, Ye iha ningi nena ngaashi Ye a ningile."

<sup>70</sup> Otwe shi mona paife ngaha, eshi tu wete Ondjovo Yaye ya shilipalekwa. Osha ninga shike? Oshe I ekela natangomekolo lavo. Amen.

<sup>71</sup> Oludalo lashili laAbraham le I itavela. Ove I shii. Ndele Ye okwa fikama, konguloshi, ngaashi Ye a shakenekele Abraham mwinya mefimbo laLot noku longa oshikumifalonga osho, ngaashi Ye a ningile moku lombwela Sara eshi a tonga konima Yaye. Jesus okwa udaneka, Oludalo Lopauhamba laAbraham, kutya Ongeleka otai mono oshinima shelifa osho manga Euyo Laye. Oshikwa shike? Oshi noku ningwa. Kalunga okwe shi udaneka. Jesus Kristus okwe shi koleka noku shi tonga osho tashi kala, naapa ofye ava nena, konima yomido omayovi avali, tu Mu wete mokati ketu, natango Omufindani omunaenghono! Ye okwa finda efyo, oheli, ombila, ondjongo aishe; a kufa Ondjovo . . . ? . . . ye. Eheno.

<sup>72</sup> Ye okwa ti, “Nge tamu kala mwaAme, nEendjovo Dange tadi kala munye, indileni eshi mwa hala ndele nye otamu shi pewa.” Osha li shike? Ondjovo, Kristus, Ou e li momutima woye. “Nge tamu kala mwaAme, Eendjovo Dange tadi kala munye, hano otamu findi kesheshimwe molwaashi Onde shi mu findila. Nge tamu kala mwaAme, nge nye tamu udu Nge ko, nge nye tamu kala mwaAme. Ou ta itavele Nge, ou ta tambula Nge; ha omuliningitaveli, ashike ta tambula. Ou ta udu Eendjovo Dange, ta udu ko Eendjovo Dange, nota itavele Ou a tuma Nge, oku nOmwenyo waalushe; ye ite uya meyeleko, ile metokolo, ndele nee ye okwa dja mo mefyo e uya mOmwenyo.” Oye ngaho, Omufindani omunaenghono!

<sup>73</sup> Oye ou nena, elifa onghela, nonena, nofiyoalushe. Oye ou ta longo moipafi yOludalo laAbraham, olo la ifanwa mo muBabilon, la ifanwa mo muSodom, la ifanwa mo mounyuni, noku yoololwa, tali unlike mo naana eudaneko Laye. Konima yomido omayovi avali, Oye ou a fikama mokati ketu, konguloshi, Omufindani omunaenghono ou, Ondjovo yaKalunga Ou ta konakona omadiladilo aa e li momutima, nomadilongo. Oshikwa shike? “Oludalo loye otali ka nangala oivelو yomutondi walo.” Oshi kwa shike? Osho Oludalo laAbraham, Oludalo lopauhamba, la itavela Ondjovo. Ndele Ondjovo oyo—Ondjovo oyo Kalunga.

<sup>74</sup> Paife ngeenge tu shi wete, ohatu dulu okwiingida navo, ngaashi omutoti woitevo wonale:

Okukala, Ye oku hole nge; okufya, Ye okwa  
xupifa nge;  
Okupakwa, Ye okwa kufa po omatimba ange;  
Okunyumuka, Ye okwa yukipalifa oshali  
fiyoalushe:  
Fiku limwe Ye ote uya—akutu, efiku loshinge!

<sup>75</sup> Umwe okwa ti, “Oto kulupa, mumati.” Itandi shi lididimikile.

<sup>76</sup> Onda kala ko okudja nda li okamatyona, efikilo lange alike nda li ndi na oku mona Jesus Kristus Teuya. Onda yandjela onghalamwenyo yange elalakano olo. Natango ondi li koshiudifilo, onga omulumenhu a kulupa, onda itavela Ehokololo lelifa, noshinima shinernenene handi diladila oku mona Jesus Kristus ta di keulu a tambule Vaye Mwene. Kalunga, hano wange... Osho nee hatu imbi:

Amushe kundeni eenghono dEdina laJesus!  
Ovaengeli nava wile ecombe;  
Eteni oshishani shouhamba,  
Noku Mu dika Omwene waashishe.

<sup>77</sup> Omolwashike? Oye Omufindani omunaenghono. Nge ou li muYe, ou li mOndjovo. Ye okwa ti, “Nge tamu kala mwaAme, indileni eshi mwa hala.” “Eshi mwa hala,” osheshi keshe oshivel osha findwa nale. Hano ohatu dulu tu tye:

Osheshi eudaneko keshe mEmbo olange,  
 Keshe ekapiteli, keshe ovelise, nomukweyo.  
 Onde lineekela mOndjovo Yaye  
 yOukwakalunga,  
 Osheshi eudaneko keshe mEmbo olange.

<sup>78</sup> Ookaume, omwa dimbulula tuu eshi tashi ti? Eudaneko keshe olo Kalunga a ningila Abraham, eudaneko keshe olo la tongwa kovaxunganeki, eudaneko keshe olo Jesus Kristus a udanekela efimbo eli, Ye oku li apa oku li koleka noku ulika kutya Ye oku nomwenyo fiyoalushe. “Oludalo loye otali ka nangala oshivelo shomutondi.”

<sup>79</sup> Ngeenge she uya potundi yefyo. Oto ti, “Oshike kombinga yasho?” Natango ou na Emona olo Paulus a tonga. “Akutu ombila, efindano loye oli li peni? Akutu efyo, oshitwifo shoye oshi li peni? Ashike Kalunga na pandulwe, Ou e tu pa efindano mOmufindani omunaenghono ou, Jesus Kristus.” Akutu!

Ovaengeli nava wile ecombe;  
 Eteni oshishani shouhamba,  
 Noku Mu dika Omwene waaishe.

<sup>80</sup> Konguloshi, konima yomido omayovi avali, otwa fikama tu Mu mone, natango, Omufindani omunaenghono Ou a taula etukulifo olo le tu yoolola ko keudaneko keshe laKalunga, notu dule ovafindani muYe. Natu ilikaneni.

<sup>81</sup> Tate Omukwaulu, ngaashi twa fikama apa, konguloshi, mOukalipo wOmhepo Iyapuki, Omunhu munene ou waJesus Kristus molupe lOmhepo, Ou a udanekwa oku uya kOludalo laAbraham, Oludalo lopauhamba. Ohatu ilikana, Akutu Kalunga, nge ope na omulumenhu ile omukainhu, omumati ile omukadona, omu, ou ehe Ku shii; ve na omalimbililo neshushumano momadiladilo avo, kombinga yOndjovo yaKalunga, kutya nee Yo Oshili ile ahawé. Akutu Kalunga Munene, Ou a ninga eudaneko, ila konguloshi! Ope na eudaneko limwe linene Wa ninga, Omwene; Otto dulu oku diinina eudaneko olo, Owa ti, “Ou ta itavele Nge, oilonga ei Handi i longo naye yo; inene i dule ei ote i longo, osheshi Ohandi i kuTate.” Tate Kalunga, ohatu ilikana opo U koleke Ondjovo Yoye.

<sup>82</sup> Ope na vahapu vomovana vaAbraham apa konguloshi, ovo tava vele. Akutu, omunawii okwe va idilila; ove i tula meni, ndele ova pilula eeshapi, ndele ta ti, “Paife ou noku fya; ou na oupyakadi womutima. Ou na eshi, shinya, ile shikwao, ndele ou noku fya.”

<sup>83</sup> Akutu Kalunga, enghuma lekuwililo nali shikwe, konguloshi, lEvaengeli, opo keshe omupika a ye a manguluka! Jesus Kristus okwa finda oivelo oyo. Otu na eeshapi momake etu. Akutu! “MEDina Lange otava te mo eendemoni. Nge to indile sha Tate mEdina Lange, Ohandi shi ningi. Ou ta itavele Nge, oilonga ei Handi i longo naye yo. Ondjovo yaKalunga

oi neememo noi neenghono i dule eongamukonda leememo keembinga mbali, otai tongola eengolo nomungo, ndele i shii ku tokola omadiladilo omutima.”

<sup>84</sup> “Ndele ngaashi sha li mefimbo laNoa, osho tashi kala mokuya kwOmona womunhu, osheshi ova lile, va nwine, va hombola, va hombolifa; omalandulafano etungilo manene.” Ndele ohatu tale ounyuni, “Otapa kala omadidiliko, omamoniko matilifi keulu pombada (ei oitukimhepo), omakakamo omadu meenhele dilili nadilili, efuta tali popoma (omakufikufi a pindjala), omitima dovanhu tadi shushuma (outile), emapiyaano pokati koshiwan, efimbo lidjuu.”

<sup>85</sup> “Ndele ngaashi sha li mefimbo laLot, osho tashi kala mokuya kwOmona womunhu.” Akutu Kalunga, ila konguloshi noku longa Ondjovo Yoye, ila konguloshi noku fimaneka eitavelo lovana vaAbraham. MEDina laJesus Kristus otwe shi indila. Amen.

<sup>86</sup> Omwene ne mu yambeke, unene. Itandi ka ninga eifano koaltari pefimbo apa. Ohandi ke shi mu efela. Ohandi lipula kutya, oikando ihapu, omaifano koaltari... onda itavela pamwe navo. “Ashike aveshe ava va tambula, ova shashwa.” Osho ngaho, “Vahapu ve Mu tambula.” Ohatu ka ilikanena ovanaaudu.

<sup>87</sup> Ohandi dulu oku popya apa oufiku aushe. Onye engungo liwa. Ashike eshi handi tongo omulumenhu ashike; ashike nge ohandi tongo Eendjovo Daye, hano kashi fi eendjovo dange, Eendjovo Daye. Nge onda tongo sha, ndele Kalunga ine shi yambidida, hano osha li ondjovo yange. Nge onda tonga Ondjovo Yaye, ndele Ye te I yambidida, omulumenhu olyelye ou a nyikoulunde ile omukainhu, omumati ile omukadona, ta i nokutya haYo?

<sup>88</sup> Jesus, okwa ti eshi Ye a ninga oinima ei, ova ti, “Omulumenhu ou omunyanekeli. Oye umunawii!” Omunyanekeli, kesheumwe oku shi shii kutya okunyanekela okwomunawii. Ye okwa ti, “Ye omunyanekeli.” Ashike owa mona tuu nale omunyanekeli ta udifa Evaengeli? Owa mona nale omunyanekeli ta te mo eendemoni? Ahawe, moshili, itave shi ningi.

<sup>89</sup> Ye okwa ti, “Paife, Ame Omona womunhu ohandi shi mu dimine po. Ashike ngeenge Omhepo Iyapuki ye uya, oku I popila omhinge itashi diminwa po mounyuni ou ile ounyuni tau uya, shaashi otashi ifana oilonga yaKalunga omhepo ya nyata.”

<sup>90</sup> Kalunga tu fila onghenda, konguloshi, nohandi ilikana opo Kalunga a kuluke noku koleka Ondjovo ei komesho yeni.

<sup>91</sup> Mumwatate, mumwameme, ou omwenyo wange. Ondi noku shakeneka Kalunga. Ondi noshinakuwanifwa kwaashi handi mu lombwele. Kalunga ote shi pele nge oshinakuwanifwa. Oshi li mondjila. Otashi kwafa nge shike ndi fikame apa noku tonga oinima ei ngeno kwa li ndi shii ohandi tokolele omwenyo wange koheli?

<sup>92</sup> “Ope na ondjila ya fa ya yuka komunhu, ndele nee exulilo layo olo eendjila defyo.” Kalunga ina pumbwa omufatululi. Ngaashi nda tonga, Ye oha fatulula Ondjovo Yaye Mwene.

<sup>93</sup> “Oludalo laAbraham otali ka nangala oshivelo shomutondi.” Owe shi itavela?

<sup>94</sup> Nge ohandi dulu oku ku velula, ohandi shi ningi. Kristus okwe ku velula nale. Oshinima ashike, ou na oshapi meke loye. Oshapi oyo eitavelo loye, oku i kwata. Oku shi patulula, konguloshi, iho shi ningi? Fimbo Ye te uya mokati ketu, Omufindani Omunaenghono ou a finda omukifi keshe, noku uya apa noku ku ulikila kutya Ye okwe shi ninga, osheshi Ye natango Ondjovo. “NOndjovo oyo omukonakoni womadiladilo e li momutima.”

<sup>95</sup> Okakalata keilikaneno kelipi? B, imwe fiyo...Otwa tamekela peni, onguloshi inya? [Umwe ta ti, “Imwe.”—Sd.] Natu tameke okudja pomilongonhano. Olyelye e na okakalata keilikaneno B, omilongonhano? Yelufa eke loye. Okakalata keilikaneno B. Otwa tamekela puimwe, onguloshi inya, paife ohatu tameke okudja pomilongonhano, konguloshi.

<sup>96</sup> Olyelye e na B, B, omilongonhano? Kaleka eke loye pombada. Okakalata keilikaneno B, omilongonhano. Owa hala okutya kake po? Ou ka na? Eewa, B, omilongonhano. B, omilongonhano naimwe, olyelye e ka na? B, omilongonhano naimwe, eewa. B, omilongonhano nambali, olyelye e na B, omilongonhano nambali? Eewa, ou ka na. B, omilongonhano nanhatu, omilongonhano nanhe, ila lela oku. Omilongonhano nanhe, omilongonhano nanhano.

<sup>97</sup> Omumati wange okwe uya apa, manga inandi uya mo, noku pilakanifa onduba youkalata. Ndele tala nhumbi ve li, kamwe *apa* nakamwe *penya*? Kave shi shii. Oto dulu oku uya momukweyo *ou* apa noku mona kamwe, mukwao a shikula ta mono omulongo, mukwao umwe ta mono omilongombali nanhano. Katu shii apa ke li, ashike, keshe apa ve li.

<sup>98</sup> Paife vangapi hatu ifana? Nhano, nhe? B, omilongonhano. Okwa li B, omilongonhano, kasha li? [Umwe ta ti, “Eheno.”—Sd.] B, omilongonhano fiyo omilongonhano nanhano. Omilongonhano nahamano, omilongonhano naheyali, omilongonhano nahetatu, omilongonhano nomuwosi, omilongohamano. Paife natu tale, imwe, mbali... Va valula, Billy, nohatu... Omilongohamano, omilongoheyali, nava fikame tete, nge oto dulu. B, omilongonhano fiyo omilongoheyali, omilongoheyali nanhano. Va valula, Mumwatate Roy, nge oto dulu, fimbo handi popi nengungo.

<sup>99</sup> Vangapi oko paife ngaashi to tale oku, ndele ku na okakalata keilikaneno?

<sup>100</sup> Dimbuluka, Jesus okwa ti, “Oilonga ei Handi i longo naye yo ote i longo.” Oshili tuu? Osho oshili. Owe shi itavela? Oludalo laAbraham osho la ti.

<sup>101</sup> Ombibeli otai ti, kutya, “Oye Omupristeli Omukulunhu.” Ovaheberi, ekapiteli eti4, “Oye Omupristeli Omukulunhu ou a kumwa keliudo loungone wetu.” Owe shi itavela? Nge Ye okwe lifa onghela, nonena, nofiyoalushe, Ye ote shi ningi ngahelipi?

<sup>102</sup> Opa li omukainhu munini, mOmbibeli, ngaashi wa didilika eshi handi popi. Omukainhu munini, mOmbibeli, pamwe ka li e na okakalata keilikano; ashike okwe lipopila momutima waye, “Nge onda kumu Omulumenhu ou, onde Mu itavela.” Okwa longifa ashishe e na, meendoko-... neendokotola. Inadi mu kwafa. Onghalo yaye oya li inene unene. Inadi mu kwafa. Ashike okwa itavela kutya Kalunga ote mu kwafa. Nokwa kuma onyemba Yaye, yoshikutu Shaye.

<sup>103</sup> Ndele Ye okwa ti, “Ondi udite eenghono da dja mwaAme.” Oshi li mondjila?

<sup>104</sup> Owa itavela kutya Ye okwe lifa, konguloshi? Owa itavela kutya Ye oku li apa? Vangapi va itavela Ye a nyumuka koufi? Paife oto yelifa ngahelipi kutya Ye okwa nyumuka koufi?

<sup>105</sup> Ha nale unene, omulumenhu Omubaptiste a fimana okwe uya kwaame, ndele ta ti, “Mumwatate Branham, onda li nda findika—nda findika, oshikando shimwe, kOmumohammedi ou e shi tonga. Okwa ti, ‘Nge Ye okwa nyumuka, Ye okwa udaneka kutya Ye ota ningi oshinima shelifa. Natu Mu mone te shi ningi.’” Uwete, ova itavela kutya Ye ine shi ninga.

<sup>106</sup> Ashike otwa itavela kutya Ye okwe shi ninga. Otwa itavela kutya Ye okwa nyumuka koufi. Kape na oukwamhepo umwe mounyuni tau dulu u yelife kutya omutoti wavo oku nomwenyo, ndele nee Oukriste. Nomukalo auke Kalunga ta dulu oku I koleka, okupitila mwaava ve shi itavela; osheshi oo auke omukalo Kalunga ta longo Eendjovo Daye, ovava ve I itavela.

<sup>107</sup> Paife fimbo tava tu omutete mokamukwewo keilikaneno aka apa. Nghi shii kutya vangapi hatu mono. Onda hala keshe umwe womunye, diinina onhele yoye, kala omutumba woye, ino linyenga nyega. Tala oku noku ilikana, to ti, “Omwene Jesus, onda itavela.”

<sup>108</sup> Oto dimbuluka, Ye okwa lombwela nge, “Nge owa itavelifa ovanhu; noku kala we litula mo ngeenge to ilikana.” Osha kala moshiwana eshi, apeshepeshe, omido omulongananhano, kape na oshikando shimwe sha dopa. Itashi dopa.

<sup>109</sup> Kalunga, oshinima shimwe Kalunga ita dulu oku ninga, oku dopa. Ye oku noku diinina Ondjovo Yaye. Onde shi itavela. Onde shi itavela lela ngaashi nda... shi dulife nda itavela nda fikama apa, shi dulife ndi wete ndi li metungilo omu; otashi dulu oku kala oshitandangole, otashi dulu oku kala ondjadi. Momwenyo

wange, ondi shii Jesus Kristus Omona waKalunga e nomwenyo. Naave okukala Oludalo laAbraham, owa fya muKristus, ove Oludalo laAbraham.

<sup>110</sup> Paife ove na ounasituke apa. Epondolo linene ola longwa mwaashi, ovanhu ava va itavela. Paife natu nyongamekeni omitwe detu, fimbo tave lilongekida, noku ilikanena ava.

<sup>111</sup> Tate Omukwaulu, otwa longwa mOmbibeli, nope na ovanhu apa ava va itavela Ondjovo keshe oyo Wa ti Oshili. Omwene, omafimbo amwe ohava pungauka noku twa mombululu yoshapi, noshapi, tave i shekuna, noku kwaludula, ashike ova itavela kutya opo i li. Nava diinine okutwa, otave i mono, osheshi opo i li. Noshapi oyo oshapi ya yuka, “Nge to shi itavele, oinima aishe otai dulika.” Ngaashi eimbilo tali imbwa paife, ile tali shikwa.

<sup>112</sup> MOmbibeli osha tongwa kutya, “Paulus okwa kufa kolutu laye ounasituke noiteta, noku va tumina ovanaudu novahepekwa, neemhepo da nyata oda fiya po ovanhu, nova veluka.”

<sup>113</sup> Paife, Omwene, otu shi shii kutya Omuyapuki Paulus oku li pamwe naOve. Ashike, kasha li ye; osha li Ove, Omwene, Kristus muye. “Haame ndi nomwenyo, ndele nee oKristus ou e li mwaame,” ta ti.

<sup>114</sup> Ndele paife kepupi eli, natango Oove Kristus, nena, ngaashi wa li onghela. Ndele ngaashi handi ilikanene ounasituke ava, ve va kuma, ohandi ilikana opo U finde keshe omutondi. Va pa eitavelo, oku va shivifila kutya omutondi okwa findika.

<sup>115</sup> Ndele oshikando shimwe, Efuta Litilyana, ngaashi twa popya, la teta ko Israel keudaneko, nova li momulandu woshilonga. Nomushangi umwe okwa ti, kutya, “Kalunga okwa vandamena poshi nomesho ehandu, mOluudi lOmundilo olo, nefuta ola tila noku yeulula oiveloyalo, nova tauluka.”

<sup>116</sup> Vandamena poshi, konguloshi, mOhonde yaJesus Kristus. Ndele nava dule, ngeenge ounasituke ava va tenhekwa kovanaudu, omutondi na mone eitavelo letu, konguloshi, ngaashi hatu ilikana eilikano eli leitavelo molwavo. Ndele keshe umwe na mangululwe, mEdina laJesus Kristus. Amen.

<sup>117</sup> Paife onda hala elitulemo leni alishe. Keshe tuu ou e li pokambako apa, oto dulu oku ka yelufa. Shaashi, nge Omhepo Iyapuki oye shi ningi... itandi ti kutya Ye ota ningi.

<sup>118</sup> Paife umwe ne uye apa e ku lombwele kutya ove na eenghono oku velula ovanaudu, ino shi itavela. Eenghono adishe odi li muKristus. Oye Omufindani, ha ove naame. Otwa tambula ashike eshi Ye a ninga. Kape na omunhu e na eenghono okuxupifa ile okuvelula.

<sup>119</sup> Keshe omunhu mounyuni, ondado oya futwa nale. Oshipumbiwa osha futwa. Osha li ngahelipi? “Ye okwa tuwa molwomatauluko etu, koipute Yaye otwa veluka.” E—eveluko

loye ola futwa. Exupifo loye ola futwa. Ou na eitavelo oku uya, li tambula? Opuwo. Nge ove Oludalo laAbraham, ou na. Kalunga okwe shi udaneka. Ope na sha mwoove tashi ti omo li li, noli li.

<sup>120</sup> Paife oshalinghenda oshike? Oshalinghenda oku ya noku velula ovanhu? Ahawe. Oshalinghenda oku liyapula mo mwene mondjila, opo Kalunga a dule oku ku longifa.

<sup>121</sup> Paife Ye okwe shi udaneka, edidiliko laxuuninwa, paJesus Kristus, “Ngaashi sha li mefimbo laSodom, manga ashike inashi xwikwa po.” Ha manga oinima ikwao inai ningwa, Evaengeli ola udifwa kuLot, nosho tuu; hasho ngaho. Ashike manga inashi xwikwa po, Kalunga okwa kuluka molupe lomunhu, noku kala omutumba nOngeleka ya hoololwa, Abraham nongudu yaye, ovo ve na eudaneko.

<sup>122</sup> Paife dimbuluka, Oludalo ashike laAbraham le li tambula. “Okafimbo kashona ounyuni itau mono Nge vali,” Jesus a ti. “Nye otamu ka mona Nge, osheshi Ohandi kala pamwe nanye, munye, fiyo okexulilo lounyuni.”

<sup>123</sup> Ashike Ye okwa udaneka, manga ashike Ye ina aluka, “Ngaashi sha li muSodom,” tala eshi Sodom ta ningi; tala eshi Ongeleka yahoololwa tai ningi, ta ti, “osho tashi kala mokuya kwOmona womunhu.” Kalunga a holoka molupe lomunhu, ou nombuda Yaye ya pilamena ketwali, a lombwela Sara eshi a ninga meni letwali. Kesheumwe u shii kutya Oshili, yelufa omake oye. Osho naana. Paife Ye okwe shi udaneka. Otu li pexulilo lefimbo. Paife dimbuluka, kutya osha li oshinima shaxuuninwa sha ningwa; nounyuni wOvapaani owa xwikwa po, Sodom, nomona a udanekwa okwe uya poshiningwanima. Otwateelela Omona a udanekwa, Omona waKalunga.

<sup>124</sup> Ofye ngaha. Kalunga na pashule omesho oye. Nghi shii vali shimwe oku popya. Ye na pashule omesho oye.

<sup>125</sup> Paife Tate Omukwaulu, ame nighi na ekwafo, ame onduba yonhata oyo Wa mela kumwe, noku tulwa apa. Akutu Kalunga, nandi dule, konguloshi, ndi mone efilonghenda Loyer nOukalipo, opo shi kale Ove to longifa eenhit edi donhata U na omu. Kutya ava, Omwene, ava Wa ifanena Omwenyo waAlushe, napamwe inave U tambula natango, nava mone omaudaneko aa. Pamwe ova longwa kutya oshefimbo likwao, ashike osheshi ngaha mOmbibeli. Li koleka, Omwene. Olo efatululo Loyer Mwene. Inai pumbwa shihapu shi dule po. Nge Owe shi ningi, hano otava mono kutya Ondjovo oshili. Shi wanifa, Tate. Otwe liyandja kwoOve.

<sup>126</sup> Omunhu keshe e li omu, Omwene, longifa eitavelo lavo, konguloshi. Oshilyo keshe shOmuhoko waAbraham, muJesus Kristus, nashi kale neitavelo, konguloshi, noku tambula Oukalipo Woye. Nohatu Ku pe omahambelelo. Amen.

<sup>127</sup> Paife, eshi osha-...Paife eshi oshikumwifi. Onda hala u kwafe nge paife, ilikanene nge. Kala omutumba wa ngugumana lela, ino linyenga. Kala omutumba wa ngungila, ilikana.

<sup>128</sup> Paife, uwete, otashi lunduluka kouevangeliste, oku li fuwifa mwene momukalo ou Omhepo yaKalunga tai dulu oku ku twala filu mouhamba ukwao.

<sup>129</sup> Paife opa fikama omunyasha ou...Ila apa kashona, mukainhu. Ndele nee...Oshi li nawa, onghee itandi di po pokambako aka. Uwete, nighi shii eshi tashi ningwa po, ou wete, ndele hano omafimbo amwe, ou weteko...Paife omukalo auke ndi shi shii, oshi—oshi li pokambako, ou wete, notava kendabala oku ka kwatela penya, ndele nighi shii kutya oshike.

<sup>130</sup> Paife fye ovanailongo kumukwao. Nghi ku shii, inandi ku mona nale monghalamwenyo yange. Ashike ove oumushona lela kwaame. Ndele otwa dalwa tashi dulika eemaila kokule, nomido kokule. Eshi oshikando shetu shotete hatu shakene. Oshi li mondjila? Nge osho, yelufa eke loye opo engungo li mone. Paife, ye omukainhu ashike a fikama apa.

<sup>131</sup> Tala, shi shuna kOmushangwa. Natu kufeni Omuyapuki Johannes 4. Keshe umwe womunye shi lescha ngeenge wa i keumbo. Ha—ha kutya omukainhu ou olupe lomukainhu winya; nighi shi shii. Nou shi shii kutya haame Jesus Kristus. Ashike Ye oku li apa. Oye ngaho. Paife Omhepo Yaye otai tu vaeke, tai dulu oku holola oupyakadi waye, ngaashi Ye a ningila omukainhu pondungu. Oshinima shelifa.

<sup>132</sup> Ndele, kwaasho, opo ovapristeli novaleli vefimbo olo, va ti, “Omulumenhu ou omunyanekeli, ile omunawii, Belsebul.”

<sup>133</sup> Omukainhu ou okwa ti, “Omufimanekwa, ondi wete kutya Ove omuxunganeki. Otu shi shii kutya Messias ote uya, notashi kala edidiliko Laye.”

<sup>134</sup> Paife, vangapi ve shii kutya oshili? Iya, nge Ye okwe lifa onghela, nonena, nofiyoalushe, itashi kala edidiliko Laye konguloshi? Ye okwe shi udaneka tashi kala, manga ashike exulilo lefimbo? Paife tala nge Ye ota diinine eudaneko Laye kOludalo laAbraham.

<sup>135</sup> Paife nge umwe omu ote lipula sha puka, ila apa u ninge oshinima shelifa. Nge hasho, hano ino tya sha kombinga yasho. Ou na omhito.

<sup>136</sup> Paife, mEdina laKristus, ohandi tula keshe omhepo koshi yepangelo lange, kefimano nefimaneko laKalunga.

<sup>137</sup> Ondi na ashike oku popya naave, okafimbo, mukainhu omunyasha. Ou weteko, Omwene wetu okwa popya nomukainhu ou pondungu. Ye okwa ti, “Etele Nge ndi nwe.” Oshike Ye kwa li ta ningi?

<sup>138</sup> Paife tala, Ye okwa ti, mOmuyapuki Johannes 5, “Oshili, oshili, Handi mu lombwele, Omona,” okwa li Oye, olutu, “ihandi

dulu oku ninga sha mwaAmemwene,” osheshi ashike Ye a mona Xe ta ningi. “Eshi Xe ta ningi, Ye ota ulikile Omona. Uwete, Itandi dulu oku ninga sha mwaAmemwene, ndele nee ongaashi ndi wete Tate te shi ningi.” Hano, Jesus ina longa oshikumifalonga shasha nafiyo tete Kalunga e Mu ulikila memoniko; ine Mu lombwela mokutwi Kwaye, ndele nee okwe Mu ulikila. “Eshi Ndi wete,” ha oku uda, “ndi wete Tate ta ningi.” Osho she Mu ninga Omuxunganeki a fa Moses, ngaashi Moses a ti. Paife eshi Ye—Ye a shiiva Xe . . . Ye okwa li mo . . .

<sup>139</sup> Ye okwa li ta i kuJeriko, ashike Ye okwa pumbwa okuya kuSamaria, ndele Ye okwe uya koshilando shaSikar. Ndele paife uwete, Ovasamaria okwa li va teeela Messias.

<sup>140</sup> Ovajuda okwa li ve shi teeela, ndele Ye okwe va ulikila edidiliko Laye. Filippus, Natanael, Petrus, diva eshi edidiliko olo la ningwa, ova ti, “Ove Omona waKalunga.”

Rabbi okwa ti, “Omulumenhu ou oBelsebul.”

<sup>141</sup> Ashike paife dimbuluka, Ovapaani, fye, otwa li Ovaanglo-Saxon, ka—ka twa li twa teeela Messias. Otwa li ovapaani, Ovaroma, nosho tuu. Ka twa li twa teeela Messias. Ye okwe uya ashike kwaava ve Mu teeela.

<sup>142</sup> Ashike Ovasamaria okwa li ve Mu teeela, onghee Ye oku noku ya kuvo, kuSamaria. Ye okwa kala omutumba pondungu. Omukainhu omunyasha, tashi dulika hanga womido doye, e uya. Okwa li omukainhu ina fimana. Owa lescha ehokololo, ndi wete. Ndele Ye okwa ti, “Mukainhu, etele Nge ndi nwe.”

<sup>143</sup> Okwa ti, “Akutu, kashi li panghedi Ove, Omujuda, u shi indile Omusamaria.”

<sup>144</sup> Ye okwa ti, “Ashike ngeno okwa li u shii Ou to popi naye, ngeno oto indile Nge u nwe.”

<sup>145</sup> Eenghundafana oda twikila. Lwaxuuninwa, Ye okwa mona apa pa li oupyakadi waye. Oto dimbuluka eshi wa li? Oku na ovalumenhu vahapu unene. Ndele ta ti, “Inda u ka tale omulumenhu woye, ileni oku.”

Okwa ti, “Nghi na sha.”

<sup>146</sup> Ta ti, “Owa tonga sha yuka,” ta ti, “molwaashi ou na vatano, naau u li naye paife ke fi woye.”

<sup>147</sup> Okwa ti, “Omufimanekwa, ondi wete kutya Ove omuxunganeki. Otu shi shii kutya Messias ote uya, Ye ote tu lombwеле oinima ei.”

Ndele Ye okwa ti, “Aame Ye.”

<sup>148</sup> Okwa fiya po oshitoo shaye shomeva, ta lotokele moshilando, ndele ta ti, “Ileni, mu tale Omulumenhu Ou a lombwela nge eshi nda ninga. Ou ke fi tuu Messias?” Inava kala ve na omuxunganeki omido omafele. Ndele apa Omulumenhu ou ta

ti oMessias, noku koleka e li o—omuxunganeki, noku ulika edidiliko laMessias.

<sup>149</sup> Otashi ku itavelifa oshinima shelifa, nge Ye okwa ninga oshinima shelifa, okukala Ye e lifa onghela, nonena, nofiyoalushe, nokwa udaneka paOmishangwa edi kutya Ye ote shi ningi?

Otashi itavelifa engungo?

<sup>150</sup> Oto hepa koupyakadi weefiyo. Nge oshi li mondjila, yelufa eke loye.

<sup>151</sup> Omolwashike alushe sha xwanuka koshipala shange? Umwe ota ti, “Okwe shi papida.” Inandi shi papida.

<sup>152</sup> Apa, ye omukainhu muwa. Owa itavela nge? Paife ou shi shii inandi shi papida. Nandi tonge shimwe shilili. Omulumenhu woye oku li pamwe naave. Ota hepa, yo. Ita hepa? Onghalo yomwoongo. Oshi li mondjila. Hasho? Ou na okamatyona ke li naove. Ota ka hepa, yo. Owa hala ka ilikanenwe. Oke na shimwe sha puka nomesho ako. Oshi li mondjila. Ou na okakadona ke li naove, oke na oupyakadi weefiyo, ke ku fa. Oshi li mondjila? Paife amushe otamu dulu mu kale nawa, nge tamu itavele. Omwe shi itavela? Kalunga ne mu yambeke. Indeni nondjila yeni mu li nawa.

<sup>153</sup> Owa itavela? Ye okwe lifa onghela, nonena, nofiyoalushe. Oshikwa shike? Oshike Ye ta kendabala okuninga? Kwoove, Oludalo laAbraham, Ye ote ku ulikile kutya Ye ina fya. Itandi dulu okuninga oinima oyo. Ye ina fya. Ashike Ye oku nomwenyo, te ku ulikile kutya ou noufemba oku nangala oivelo yomutondi woye. Oshe shi mana.

<sup>154</sup> Omukainhu ou, e uya ngaha, okafimbo ashike. Otu li apeshe, Iwopomido delifa, ndi wete. Ashike fye—fye ovanailongo kumukwao, ngaashi ndi shii. Nghi ku shii, notu vanailongo. Nghi shii sha shoye. Nge oshi li mondjila, yelufa eke loye, uwete. [Mumwameme ta ti, “Oshi li mondjila.”—Sd.] Vamwe vomuvo ove ku pa okakalata keilikaneno, ndele oove ou. Eewa. Paife nge Omwene Jesus . . .

<sup>155</sup> Nge ame, pamwe, ndi tye onda li handi kendabala oku kufa po onhele yaMumwatate Oral Roberts, ile vamwe vomovalumenhu ovo vanene veitavelo, onda hala okutya, “Mukainhu, oshike sha puka mwoove?”

<sup>156</sup> Oto dulu okutya, “Iya, ondi na *ongadi-no-ongadi*.” Paife, ota dulu oku kala e he li mondjila. Uwete? Nghi shi shii. Uwete? Ashike, ye, oto dulu oku mu lombwela eshi sha puka.

<sup>157</sup> Ye ote ku tenheke omake, ta ti, “Kalunga okwa tuma nge ndi—ndi ilikanene ovanaudu. Owe shi itavela?” “Eheno.” “Efimano kuKalunga! Inda, shi itavela.”

<sup>158</sup> Oshi li nawa. Oshi li nawa. Kalunga okwe shi udaneka. Ashike, ou wete, otu li kokule kanini e—efiku li dule po. Jesus

okwa udaneka, “Ngaashi sha li mefimbo laSodom. Oilonga ei Handi i longo naye yo.”

<sup>159</sup> Paife nge Kalunga okwa lombwele nge eshi wa kala, ou shii ngee oshili ile ahawé. Ye ota dulu e ku lombwele eshi to ka kala. Nonge oshili, eshi otashi kala oshili, yo. Nge Ye ote ku lombwele, keshe tuu, nighi shi shii; ashike nge Ye ota lombwele nge eshi shi li oupyakadi woye.

<sup>160</sup> Otamu shi itavele, yo, engungo?

<sup>161</sup> Ondi na lela oku kanghama. Oshikando shimwe, omunhu oo a li apa okafimbo ka ya, ou e noku shi koleka. Jesus okwe shi ninga oshikando shimwe. Ye ine shi ninga vali nande oshikando shimwe. Kesheumwe moSikar okwe shi itavela, a itavela ehokololo lomukainhu, eshi e uya, te va lombwele, ndele okwa li omukainhu mwii. Omukriste a fiya po oshiudifilo, komesho yeni amushe! Amen. Ashike okukala ngaho okwa toka shi dule hatu diladila, Omwene na twikile oku liyelifa Yemwene, munene, Omufindani omunaenghono, opo Oludalo laAbraham... Ashike ngaashi Abraham, Ye okwe shi ningila Abraham, lumwe; hano e shi hanauna po, noku shi ninga vali. Abraham okwa twikila oku itavela Kalunga.

<sup>162</sup> Ku li apa molwoyemwene. Ou li apa molwaumwe elili, noye omukainhu. Omumwanyoko. Nomukainhu okwa vikininwa okufya. Nota hepa ko—koudou wosuuka. Ndele ina dja omu. Okwa dja ko... Okwa dja koLouisiana, oshilongo shoututo. Osho... Naapa oshinima shikwao, opo engungo li shi shiive. Ou na omonakadona ou ta vele unene, ou a pangela oku kala moshiongalele eshi, noku na oshinona. Osho oshili. Osho oshili. Hasho? Owa itavela paife? [Mumwameme ta ti, “Eheno. Amen.”—Sd.] Nge ove Oludalo laAbraham, li tambula noku dja mo, noku veluka mEdina laJesus Kristus.

<sup>163</sup> Owa itavela? Filufilu. Dimbuluka, eudaneko Laye. Ye okwa ti Ye ote shi ningi. Ye oha diinine eudaneko Laye.

<sup>164</sup> Ongahelipi? Fye ovanailongo kumukwao. Nghi ku shii. Ashike Kalunga oku ku shii. Owa itavela nge Kalunga ota dulu oku hololela nge oupyakadi woye, hano oto shi shiiva kutya oshi noku dja keenghono donhumba dopamhepo. Paife, ope na oinima ivali aike tashi dulu okudja, oyo to dulu oku diladila. Ngeenge sha pu, osha pitilila okundjadujukununa, molwaashi oshipwe. Ndele, yo, elimbikilo; shimwe, iya, shihe netomhelo, tuu oshili. Ota shi kala elimbikilo. Ndele paife ou shi shii, ngee oshili ile ahawé, oto shiiva ngee Ye okwe ku lombwela oshili.

<sup>165</sup> Paife, dimbuluka, nighi ku shii. Oshi noku kala Umwe ponho yange. Nge owa ningi ngaashi Ovafarisai, ndele to ti, “Akutu, omhepo ya nyata,” hano ou na ondjabi oyo. Nge owa itavela kutya oKristus, ou na ondjabi Yaye. Etomhelo to shi itavele, molwaashi Ye okwe shi udanekela efimbo eli, ndele ina shi

kala ko okudja efimbo olo fiyo opaife. Otashi shi ningi exulilo lefimbo.

<sup>166</sup> Ope na umwe ta twikile oku holoka komesho yoye, efimbo alishe. Omulumenhu, womutwe weenghwakutoka. Omulumenhu woye. E li omutumba opo. Ota kendabala oku tambula eveluko laye, a vikininwa kokaangela, yoitumba, okaangela. Ou na oupyakadi weefiyo, oupyakadi wokamunda komaxu. Oove Omufimanekwa nOmufimanekwa Little. Oshi li mondjila? [Mumwameme ta ti, "Eheno."—Sd.] Itavela nomutima woye aushe, u veluke.

<sup>167</sup> "Oto ti laye, edina lavo?" Omolwashike, filufilu. Jesus ina lombwela Petrus, "Edina loye oSimon, omona waJona"?

<sup>168</sup> Apa omulumenhu. Fye ovanailongo kumukwao, omufimanekwa. Nghi ku shii. Ashike ove omulumenhu, ngaashi—ngaashi Petrus te uya kOmwene Jesus, otwe uya pamwe. Owa itavela ndi li omupiya Waye? Owa itavela osho nda tonga oshili? [Mumwataste ta ti, "Eheno, omufimanekwa. Onda itavela, omufimanekwa."—Sd.] Nge oto shi itavale! Ame, nge ope na eshi handi dulu oku ku ningila, ohandi shi ningi, ashike kape na eshi handi dulu oku ninga. Ye okwe shi ninga nale; oshimwe ashike oku ku itavelifa. Ndele, uwete, itashi kala ame. Ngeno osha li ame, ohandi—ohandi ku ningile ashishe handi dulu. Ashike Ye okwa pa nge oshali, nohandi li fuwifa po koshipala Shaye, ndele Ye ta popi. Owe shi itavela? ["Eheno."]

<sup>169</sup> Owe shi itavela, engungo?

<sup>170</sup> Onda hala oku mona omulumenhu. Ou na oinima ihapu ya puka mwoove. Ashike shimwe shomoinima osho, ou na oshitumba keisho loye lokolulyo. Oo oupyakadi woye munene. Apa oshinima shikwao, omukainhu ta twikile oku holoka apa. Omwalikadi woye. Owa itavela Kalunga ta dulu oku lombwela nge eshi sha puka momwalikadi woye apa? Oupyakadi waye ou li mokanya kaye. Omayoo aye. Oshi li mondjila. Owa itavela kutya Jesus elifa, Ou a shiiva Simon Petrus a li, ota lombwela nge kutya oove lyelye? [Mumwataste ta ti, "Eheno."—Sd.] Otashi ku itavelifa unene? ["Eheno, omufimanekwa."] Otashi dulu? ["Eheno."] Oscar Barnes. ["Oshi li mondjila."] Oshi li mondjila? Inda nondjila yoye keumbo, veluka.

<sup>171</sup> [Okanhele kehe na sha mokateipa—Sd.]...omunailongo kwoove. Nghi ku shii, ashike Kalunga oku ku shii. Owa itavela kutya Ye ota dulu oku lombwela nge osho shi li oupyakadi woye? Oto shi itavale nomutima woye aushe? Oupyakadi woye ou li momunino woye, nomonhulo yoye apa. O—omakipa a ola. Oto mono eenhit, ngaashi, nomadita meni letungilo lomakipa. Oshi li mondjila. Ino dja omu. Ou li mo—oshilandu shi na omifitu domalemune apeshe. Oshi li molufilu, noluhaela leemhunda konima yasho. Ope nohotela ya ifanwa Antlers. O

San Bernardino. Oko wa dja. Shuna, Jesus Kristus okwe ku velula, nge owe shi itavela.

<sup>172</sup> Ope noshinima shimwe ashike tashi dulu okuvelula okaangela, oKalunga. Owa itavela kutya Ye ote ku velula? [Mmwatate ta ti, “Oshili onda itavela.”—Sd.] Shi itavela! Inda, nOmwene Kalunga ne ku velule keshe kamwe.

<sup>173</sup> Opo wa tambu . . . wa lyalyakana unene, wa piyaana. Kelyalyakano eli, edimo loye ola ya monghalo. Ito dulu oku lunga oikulya yoye; oku i eta mokanya koye. Oululu aushe mokanya koye. Moshanga shomutenza, owa loloka unene nakesheshimwe. Ou na oshilonda shomomandjadja medimo loye. Owa itavela kutya oJesus Kristus te shi ku lombwele? [Mumwameme ta ti, “Eheno.”—Sd.] Ka lye ouvalelo woye, hano. Itavela nomutima woye aushe, Jesus Kristus okwe ku velula.

<sup>174</sup> Oto i ngahelipi? Ope na oinima ihapu ya puka. Ashike shimwe shoinima oyo wa tila, oto ka lemana kodindo. Ashike owa itavela kutya Kalunga ote ku velula, te ku kaleke nawa kuyo? [Mumwameme ta ti, “Eheno.”—Sd.]

<sup>175</sup> Omwene Jesus, ohandi ilikana opo U shi wanifile mumwameme wange. Mu twikulula. Mu kufa oupyakadi woshikainhu, nokuninga nawa odindo, mEdina laJesus. Amen.

<sup>176</sup> Inda paife, wa itavela. Ye ote shi ningi, notashi kala nawa. Ino limbililwa, twikila ashike nokweenda, wa itavela nomutima woye aushe.

<sup>177</sup> Oupyakadi womutima oshinima shii, ashike Kristus oha velula omutima. Owe shi itavela? [Mumwameme ta ti, “Eheno.”—Sd.] Inda, shi itavela, notashi ningwa. Osha pwa.

<sup>178</sup> Owa itavela to ka lemana? Ahawe, nighi shi wete, yo. Omadiladilo ange, odindo; omudidimbe oo opo, akutu, oyo okaangela. Owa itavela kutya Ye ote i velula? [Mumwameme ta ti, “Eheno, onda itavela.”—Sd.] Inda, shi itavela. Ye ote ku velula.

<sup>179</sup> Oya kala ta i ku piyaaneke, okafimbo kamwe, okufita momutima. Ashike owa itavela tashi ka xula, konguloshi? Inda, shi itavela, Jesus Kristus okwe ku velula.

<sup>180</sup> Sha kala okaupyakadi munini, okudja koupyakadi woshikainhu, efimbo lile. Ndele hano, ou li, ou na efimbo lidjuu oku penduka ongula. Owa kukuta, meemhati doye. Ito dulu okweenda, fiyo opomutenza, wefimbo. Odindo. Inda, ino limbililwa, ito kala vali u i na. Shi itavela ashike, nomutima woye aushe.

<sup>181</sup> Ou na oinima ihapu, omakitakano. Ashike oshinima shimwe tashi ku piyaaneke nai, oto diladila yo odindo, oyo i li, tai ku lemaneke. Owa itavela kutya Ye ote ku endifa noku veluka? [Mumwameme ta ti, “Eheno, omufimanekwa.”—Sd.] Inda, shi itavela nomutima woye aushe, Jesus Kristus ote ku velula.

<sup>182</sup> Elyalyakano lomutima, nodindo, ashike owa itavela kutya Kalunga ote ku velula? Owa itavela? Inda, nOmwene Jesus ne ku velule.

<sup>183</sup> Edimo olo otali ku pe oupyakadi muhapu momido dishona daxuuninwa, hasho? Ita u kala po vali. Inda, shi itavela. Kalunga ne ku yambeke. Veluka.

<sup>184</sup> Oto dulu, yo, edimo loye ola veluka. Inda, itavela nomutima woye aushe. Ino limbililwa.

<sup>185</sup> U nefimbo lidjuu okufuda, oasma oyo oye ku denga poshi. Inai ku denga? Owa itavela tashi ka ningwa paife? [Mumwatate ta ti, "Eheno."—Sd.] Eewa, inda shi itavela. Amen.

<sup>186</sup> Halleluya! Owa itavela nomutima woye aushe?

<sup>187</sup> Okafimbo ashike. Kamu wete Ouyelete oo? Omukainhu omulaule a tala nge, e li omutumba apa, oku na oshitumba molupati laye lokolumosho. Oku na oupyakadi weefiyo, omakitakano. Ou na eitavelo lihapu. Ku na oku uya apa. Osha pwa. Shi itavela ashike. Amen. Kala neitavelo muKalunga!

Owe shi itavela?

<sup>188</sup> Owa itavela, mumwameme, oto i pombada youpyakadi womwoongo oo, u li omutumba opo? Owa itavela kutya Ye ote ku velula? Eewa. Ino shi limbililwa, noto dulu oku kala u shi na nge owe shi itavela.

<sup>189</sup> Omulumenhu e li omutumba apa, a tala nge, ota hepa koupyakadi wokamhunda komaxu, ta yambuka omaufiku naikwao. Owa itavela, omufimanekwa? Otau xulu, hano, nge owe shi itavela.

<sup>190</sup> Apa ope li omutumba omulumenhu omulaule e li omutumba apa, a tala nge. Ota hepa koshinona. Ota kongo yo eshasho lOmhepo Iyapuki. Fikama keemhadi doye, omufimanekwa, tambula eveluko loye. Kalunga ne ku pe eshasho lOmhepo Iyapuki. Amen.

<sup>191</sup> Ndi li omutumba pwooove, ope na okaana ke li omutumba lwaapo, oke na yo oshinona, sha fa omafingo okungabuka, ke li po omutumba, kombinga ikwao. Owa itavela kutya Kalunga ota velula okaana, opo? Owa itavela nomutima woye aushe? Hano Kalunga ota velula okaana.

<sup>192</sup> Owa itavela, keshe umwe womunye? Ha—ha Ye, ha Ye shili Oludalo Lopauhamba laAbraham? Ha Ye Omufindani omunaenghono? Mbelo Ye okwa udaneka tuu kutya ota dulu oku nangala oiveloo yomutondi?

<sup>193</sup> Vangapi vomunye mwa mangwa, mu udite ondjudo yomutondi? Yelufa omake oye, ou u udite ondjudo yomutondi. Ndele ove Oludalo laAbraham, yelufa omake oye ngaha. To ti, "Mumwatate Branham, onda piyaanekwa kelyalyakano" Akutu, ope na hanga oitwa omilongohetatu yoye nalo. To ti,

onda... Olinene ashike paife, engungo alishe ola ninga la fa eshini linene lakula, otashi hale konyala oku pofipaleka nge, kwinya u li.

<sup>194</sup> Ku wete ko, kutya apa omilongombali ile omilongonhatu, pamwe, oibofa, ile shihapu, apa ngaha komesho oku nomengungo omo, kutya Kalunga iha dopa? O Jesus Kristus e lifa onghela, nonena, nofiyoalushe. Owe shi itavela? [Eongalo tali ti, "Amen."—Sd.] Hano omolwashike hasho, keshe Oludalo laAbraham, omolwashike ito kufa oshapi paife? Omufindani munene, ou e shi ku findanena, oku li apa. Ye okwa yelifa e li apa. Owe Mu itavela?

<sup>195</sup> Hano kufa oshapi yoye yeitavelo, lovelela nomake oye, noku tya, "Jesus Kristus, onda itavela molwa eveluko lange, paife ngaha." Fikama keemhadi doye. Yelufa omake oye, patulula eitavelo loye paife. "Onda itavela, Omwene Jesus. Onda itavela paife ngaha."

<sup>196</sup> Paife tenheka omake oye kumukweni. Tula omake oye kumukweni, Oludalo likwao laAbraham. Paife ilikanena omunhu oo. Va tenheka omake oye. Jesus okwa ti, "Oilongadidiliko ei tai shikula ava va itavela. Nge tava tenheke omake avo kovanaudu, otava veluka."

<sup>197</sup> Satana, owa kanifa olwoodi. MEDina laJesus Kristus, dja mo omu, noku efa ovanhu ava va ye, molwa efimano laKalunga. 

*EPENDA ABRAHAM* OSH64-0207  
(The Patriarch Abraham)

Etumwalaka eli kuMumwatate William Marrion Branham, patamekelo layandjelwe mOshingilisa mEtitano onguloshi, Febluali 7, 1964, koKern County Fairgrounds moBakersfield, California, U.S.A., ola kufwa okudja kekwatelo lengenete teipa nola nyanyangidwa metwokumwe mOshingilisa. Efatululo eli Oshikwanyama ola nyanyangidwa noku andjakanequa koVoice Of God Recordings.

OSHIKWANYAMA

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Oufemba didiliko

Eemhito adishe oda kalekwa. Embo eli otali dulu okunyanyangidwa koprinta meumbo molwa elongifo lopumwene ile okuyandjwa po, oshali yovene, onga oshilongifo okuandjakaneka Evaengeli laJesus Kristus. Embo eli itali dulu ku landifwa, okwiindjipalekwa mondswana, okutulwa kowebsite, okutuvikilwa momukalo wonumba, okufatululilwa momalaka akwao, ile okulongifwa molwa eyambidido lopashimaliwa pehe na epitikilo laVoice Of God Recordings®.

Molwa ouyelele uhapu ile molwa oilongifo ikwao ili po, alikana kwatafana:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)